


Utema W'Untu



Utema ndeka diango tshe lukesu, vo weko kolo efula. Akona ayeya mbulimbitela? (Jeremiya 17:9)

Engo katumba uma l'utema w'untu katûlanyaka; ne dia uma l'etei, uma l'etema w'antu katutumbaka tukanyi ta kolo, munanyi, evi, diakanelu, seka, okomiya, akambu wa kolo, lukesu, saki ka kolo, kandjema, lotengo, utaku, ndu utshatsha. Akambu aso tshe wa kolo watutumbaka uma l'etei, mbatulanyaka untu.

(Mako 7:20-23)

Unyashungu li, we hatuni sulu diambate kana utema wa ndjakitshakitsha.

(Esambu 51:17)

Unyashungu li, umbuki ketshi uku eli wuki wa ngandji kaye ka shikaa. Udimuli kolo yami uku eli efula ka ketshi yaye. Unsuli pudipudi uma lu wengi ya ami, ombedia uma lu kolo kami ... ombedia l'ashi wa malashi, ku dimi, layuyala pudipudi; ombotsha, ku dimi layuleka pembe wema.

(Esambu 51:1,2,7)

Unyashungu li, uki delu diami! Ulungi dombelo diami.

Lam'ayokomo utema ami, dimi layukulelelaka kuyanga la kuma ka kete kemi. Onombole, utunshikike lu dive diuleki utali. We keli eshamelu kami ... dimi layudjaseka l'etemwelo kaye pundju, layushamaka la tshina dia ahafu aye.

(Esambu 61:1-4)

Ongenyangenya utema w'ukambi aye, ne dia le ye, we Khumadiondjo, katumediaka utema ami, ne dia we Khumadiondjo keli ololo katetawoka nyimanyia antu kolo. We kuludi too la ngandji le waku tshe watuketaka la watukotemolaka. Dimi latukolombaka lu nshi yami ya pa, ku we atumbukelaka. Latuyalaka li, unimbitshiya mbuka kaye, ku dimi layokendakendaka lu mete kaye. Olongosole utema ami, dia dimi mbuka lukumbu laye woma. Dimi layukandulaka l'utema tshe, we Khumadiondjo; layoutumbulaka lukumbu laye pundju, we Unyashungu ami.

(Esambu 86:4,5,7,11,12)

Dimi lakayangi Latuyalaka, ku ndi akambetawo, akantshungula uma lu weoma ami tshe. (Esambu 34:4)

Latuyalaka keli wulu ami la engawu kami. Utema ami atekamaka le ndi, ku dimi latukimanyiamaka. Diako mbatongenangenaka utema ami.
(Esambu 28:7)

Anyasu, nyewo, untu omotshi l'atei anyu atukuyala la utema wa kolo waha la mbetawo, la ntombokwela Unyashungu a lumu. Enginya katutaka l'utema andi ati: Nduku Unyashungu weko.
(Heberu 3:12. Esambu 14:1)

On'ami, umbisha utema aye. Diui diako ati: Naka we ayushula l'unyo aye wati: Jesu keli Khumadiondjo, ndu naka we ayetawo l'utema aye wati: Unyashungu akawulula uma lu nyoi, ku we ayushimbamela. Ne dia untu letawo l'utema andi, atuyindjamaka; la one lashula l'unyo andi, atushimbamelaka ... untu tshe latetaka lukumbu la Khumadiondjo, ayushimbamela.
(Tukedi 23:26 Romo 10:9-13)

Okolamelaki nama utema aye l'eteti ne dia uma loko katutumbaka teko dia lumu. (Tukedi 4:23)

Keli we, ulawo saki ya kolo y'elongo w'apami. Uyeli akambu w'ololo la mbetawo la ngandji, la ki, kame l'antu weta lukumbu la Khumadiondjo uma l'etema wa pudipudi. Keli utuni embula waha la yimba ndu wahakuki, ne dia vo ntungaka tamu.
(2 Timote 2:22,23)

Ekamaki Latuyalaka l'utema aye tshe, tekamaki yimba yaye hita ... ku we ayokendakenda la ki lu mbuka kaye, la lukulu laye halutakana, lam'ayuyetama, we huka woma, ee, we ayetama, ku djo yaye yayuyala olo utu.
(Tukedi 3:5,23,24)

Keli naka nyu nyayusuwa di'akambu w'ololo, nyu nyayotshokwama.
Tanyuwaukaki woma, tanyudidimaki. Keli nyukidia Kristu uku
Khumadiondjo lu etema anyu. Nyutayalongosodi dia nyu mbeya lama
nkaluya diui le untu tshe lanyumbula dia elungamelu keli l'etema anyu.
Keli nyutshi okone la memakana la woma.

(1 Petero 3:14,15)

**Khumadiondjo Jesu akati ati: Nyuyi le mi, nyu tshe watukambaka
ndu well la wetshu wa wulu,** ku dimi layunyusha mumuya. Nyembe
lokoho lami, nyeki akambu uma le mi. Ne dia dimi la memakana la ndjaki-
tshakitsa l'utema, ku nyu nyayutana mumuya l'etema anyu, ne dia lokoho
lami leko ololo, la ushiko ami weko usadi.

(Mateu 11:28-30)

**Etema anyu tawudidimaki: nyetawo Unyashungu, nyumbetawo ndu
dimi.**

Dimi lambunyutshikela ki. Ki kami kamumunyusha. Aha uku watushaka
wa la kete mbamumunyusha to. Etema anyu tawudidimaki, tawukaki
woma.

(Joani 14:1,27)

Naka nyu nangakami, nyayukitanyia elembe ami. Lam'ayunanga untu, ndi
ayukitanyia diui diami.

(Joani 14:15,23)

**© C.E.R.S. - B.P. 1673 Kananga
République Démocratique Du Congo
Email: 33eme.cers.lit@gmail.com**

<http://www.33eme-cers.org/>